



Պ Ա Տ Ճ Է Ն .

Տ. Կ.

Մ Կ Բ Տ Ի 2 Ժ Ա Ռ Ա Յ Յ Ի Ս Ո Ւ Ս Ի Ք Ի Ս Տ Ո Ս Ի Ե Ւ Ա Ն Հ Ա -
Ս Ա Ն Ե Լ Ի Կ Ա Մ Օ Ք Ն Ա Ս Տ Ո Ւ Ծ Ո Յ Ե Պ Ի Ս Կ Ո Պ Ո Ս Ա Պ Ե Տ Ե Ւ Կ Ա -
Թ Ո Ւ Ղ Ի Կ Ո Ս Ա Մ Ե Ն Ա Յ Ն Հ Ա Յ Ո Յ Ժ Ա Յ Ր Ա Գ Ո Յ Ն Պ Ա Տ Ր Ի Ա Ր Ք
Հ Ա Յ Ա Զ Գ Ա Կ Ա Ն Ն Ա Խ Ա Մ Ե Ծ Ա Ր Ա Թ Ո Ւ Ո Յ Ա Ր Ա Ր Ա Տ Ե Ա Ն
Ա Ռ Ա Ք Ե Լ Ա Կ Ա Ն Մ Ա Յ Ր Ե Կ Ե Ղ Ե Ց Ի Ո Յ Ս Ր Բ Ո Յ Կ Ա Թ Ո Ւ Ղ Ի Կ Է
Է Զ Մ Ի Ա Մ Ն Ի Գ Ե Ր Ա Պ Ա Տ Ի Ի Ա Ռ Ա Զ Ն Ո Ր Դ Ա Յ Հ Ա Յ Ո Յ Ռ Ո Ւ -
Ս Ա Ս Տ Ա Ն Ի Հ Ա Յ Ր Ա Պ Ե Տ Ֆ Կ Ա Ն Օ Ր Հ Ն Ո Ւ Թ Ե Ա Մ Բ Յ Ա Յ Տ Ն Ո Ւ Մ
Ե Ն Ք .

Ի հետևումն մայիսի 10-ի, Թ. 549 Մեր կոնդա-
կի՝ տալիս ենք Ձեզ սոյն Հրահանգը, պատուի-
րելով ծանուցանել Թեմիդ ժողովրդին ու եկեղե-
ցական վարչական հաստատութիւններին ի կա-
տարումն:

Հ Ր Ա Հ Ա Ն Գ

1. Առաջիկայ օգոստոսի 15-ին ղումարուելու
է Ռուսիայի սահմաններում ապրող հայ ժողո-

վրըղի ընտրեալ պատգամաւորների Կեդրոնական ժողովը:

2. Ռուսահայոց եկեղեցական պատգամաւորական այդ ժողովը կազմուելու է որոշ ընտրողական շրջանների ժողովրդի ընտրած պատգամաւորներից:

3. Այս պատգամաւորներին ընտրելու համար իւրաքանչիւր ընտրողական շրջանում պատուիրակների ժողով է գումարուելու մինչև յուլիսի 15-ը: Պատուիրակների ժողովների բացուելու օրը, այլ և ժողովատեղը որոշում է մերձաւոր Հոգևոր իշխանութիւնը՝ պատուիրակների ընտրութիւնը կատարուելուց յետոյ՝ աչքի առաջ ունենալով ժողովրդի յարմարութիւնը. այդ օրուայ և ժողովատեղի մասին վաղօրօք (առնուազն երկու շաբաթ առաջ) պիտի յայտարարէ ժողովրդին լրագրութեամբ, թերթիկներով կամ ծանուցումներով:

4 Պատուիրակների ժողովները կազմուելու են իւրաքանչիւրը համապատասխան ընտրողական շրջանի բոլոր ծխական եկեղեցիների (կամ աղօթատների) ընտրած պատուիրակներից: Մինչև 1000 հոգի ժողովուրդ ունեցող իւրաքանչիւր եկեղեցի ընտրում է մի պատուիրակ. իսկ 1000-ից աւելի ժողովուրդ ունեցող եկեղեցիները իւրաքանչիւր 1000-ի համար մի մի պատուիրակ են ընտրում (վերջին 1000-ը կարող է լրիւ չլինել, սակայն ոչ պակաս 500-ից): Պատուիրակների ժո-

դովը կանոնաւոր է համարոււմ, եթէ ներկայ է բոլոր ընտնրուած պատուիրակների կէսից աւելին:

5. Պատուիրակների ընտրութեանը պէտք է ձեռնարկել սոյն Հրահանգը ստանալուց անմիջապէս յետոյ: Ընտրութիւնը կատարելու են ծխական ժողովները, որոնց ընտրելու և ընտրուելու իրաւունքով մասնակցելու իրաւունք ունին նոյն եկեղեցու (կամ աղօթատան) 21 տարին լրացրած բոլոր ծխականները. գումարուելիք ծխական ժողովի մասին եկեղեցու քահանաները պարտաւոր են լրագրութեամբ, թերթիկներով և թէ եկեղեցում բերանացի ծանուցումներ անել: Առաջին անգամ ժողովը կանոնաւոր է համարոււմ եթէ ներկայ է իրաւասու ծխականների գոնէ $\frac{1}{2}$ մասը. իսկ երկրորդ անգամ որքան էլ որ լինի ներկայ ժողովականների թիւը:

6. Պատուիրակների իւրաքանչիւր ժողով Կեդրոնական ժողովին մասնակցելու համար պատգամաւորներ է ընտրոււմ իւր ընտրողական շրջանի հայ ազգաբնակչութեան թուի համեմատ:

Ծանօթ.—Թէ որո՞նք են ընտրողական շրջանները, որտե՞ղ են լինելու պատուիրակների ժողովատեղերը և թէ որ շրջանից քանի՞ պատգամաւոր է ընտրուելու՝ ի նկատի ունենալով, որ մօտաւորապէս իւրաքանչիւր 20000 հոգուց մի պատգամաւոր է լինելու՝ այդ մասին տես յօդ. 10:

7. Թէ պատուիրակ, թէ պատգամաւոր կարող են ընտրուել նաև նոյն ծխական եկեղեցուն

կամ ընտրողական շրջանին չսխալականող անձեր։
Իւրաքանչիւր իրաւասու ծխական, պատուիրակ և
պատգամաւոր կարող է ունենալ միայն մէկ ձայն։

8. Կեդրոնական ժողովը, իբրեւ Ռուսահայոց
եկեղեցական գործերի կարգադրիչ և տնօրէն, կա-
րող է իւր քննութեանը ենթարկել և որոշումներ
տալ Ռուսահայոց բոլոր եկեղեցական գործերի
վերաբերմամբ։ Կեդրոնական ժողովի առաջիկայ
նստաշրջանի առաջ ղնում ենք իբրեւ անյետաձգելի
կարևորութիւն ունեցող խնդիրներ՝ դպրոցական,
տնտեսական գործերը և թեմական ժողովները
կարգաւորելու հարցերը։

9. Սոյն Հրահանգը գործելու է մինչև Կեդրո-
նական ժողովից հաստատուն Կանոնադրութեան
մշակումը և վաւերացումը։



10. ԸՆՏՐՈՂԱԿԱՆ ՇՐՋԱՆՆԵՐ

ԸՆՏՐՈՂԱԿԱՆ ԺՈՂՈՎԱՏԵՂԻՆԵՐ

ԸՆՏՐԵԼԻ ՊԱՏԳԱՄԱԻՈՐՆԵՐԻ ԹԻԻԸ

1) Նոր Նախիջեւանի եւ Բեսարաբիայի թեմը
Աստրախանի թեմ

Նոր Նախիջեւան
քաղաք 1.

2) Հիւսիսային Կովկաս, Սեւ-
ծովեան շրջան եւ
Դադստանի Հիւսիսային
մասը (Պետրովսկ...)

Վլադիկավկազ 1.

3) Աստրախան քաղաքը եւ
Թեմի մնացած մասը:

Աստրախան 1.

Շամախու թեմ

4) Բաքու, Դերբենդ, Ղուբա
քաղաքները շրջակայ գիւ-
ղերով ու արուարձաննե-
րով, այլեւ Լենքորանի
(Ղարթ.) ու Զաւադ գա-
ւառները

Բաքու 2.

5) Շամախու եւ Դեօկչայի գա-
ւառները:

Շամախի 1.

Ղարաբաղի թեմ

6) Շուշի քաղաք եւ գաւառ

Շուշի 4.

7) Զիւանշիրի գաւառ

Ուրշում է մեր-

8) Զիբրայիլ կամ Կարեազի-
նեան գ.

ձաւոր 1.

Հոգեօր իշխա-

նութիւնը 1.

9) Նուխու եւ Արեշի գաւառ-
ները

Նուխի, կամ որո-

շում է մերձ.

Հոգ. իշխանու-

թիւնը 2.

Թիֆլիսի թեմ

- 10) Թիֆլիս քաղաք և գաւառ Թիֆլիս 4.
- 11) և 12) Բորչալուի գաւառը մերձ. հոգևոր իշխանութիւնը բաժանելու է երկու մօտաւորապէս հաւասար ընտրողական շրջանի, իւրաքանչիւրին մի մի ձայն յատկացնելով և որոշելով պատուիրակներին ժողովների տեղերը: 2.
- 13) և 14) Գորու, Դուշէթի, Թիոնէթի, Թելաւի և Սղնախի գաւառները ու Ջաքաթալի շրջանը մերձաւոր հոգ. իշխանութիւնը բաժանելու է 2 մօտաւորապէս հաւասար ընտրողական շրջանների՝ յատկացնելով իւրաքանչիւրին մի մի ձայն և որոշելով պատուիրակների ժողովատեղին: 2.
- 15) Ախալցխա քաղ. և գաւառ. Ախալցխա 1.
- 16) Ախալքալաք քաղ. և գաւառ. Ախալքալաք 3.
- 17) Բաթումի, Արդուինի և Սուխումի շրջանները և Քութայիսի նահանգ Բաթում 1.
- 18) Գանձակ քաղ. և գաւառ Գանձակ 2.
- 19) Ղազախ քաղ. և գաւառ Որոշում է հոգ. իշխանութիւնը 2.

Երեւանի թեմ

20) Երեւան քաղ. և գաւառ.	Երեւան	3.
21) Ալեքսանդրապոլ քաղ. և գաւառ.	Ալեքսանդրապոլ	7.
22) Հ. Նախիջևան քաղ. և գաւառ.	Հին Նախիջևան	2.
23) Շարուր — Դարալագեազ գաւառ	Որսշում է հոգ. իշխանութիւնը	1.
24) Նոր Բայազէդ քաղ. և գաւառ.	Նոր Բայազէդ	4.
25) Սուրմալու գաւառ.	Իգդիր	1.
26) Էջմիածնի գաւառ.	Վաղարշապատ	4.
27) Կարս քաղ. և նահանգը հոգ. իշխանութիւնը բաժանում է ընտրողական շրջանների, որոշում է պատուիրակների ժողովների տեղը և բաշխում ընտրելի 4 պատգամաւորների ընդհանուր թիւը համեմատ իւրաքանչիւր ընտրողական շրջանի հայ ժողովրդի թուի:		4.
28) Զաքաձոր կամ Զանգեզուրի գաւառ.	Որսշում է մերձ. հոգևոր իշխանութիւնը	3.

Ընդամէնը վաթսուն պատգամաւոր

Իսկականի վրայ Նորին Վեհափառութեան սեպհական ձեռնով ստորագրուած է

ՄԿՐՏԻՉ ԿԱԹՈՒՂԻԿՈՍ

Ամենայն Հայոց

7 Յունիսի 1906 թ.

Ըստ Տոմարիս ՌՅԽԵ.

Մեր Հայրապետութեան ԺԳ-րդ տարին

Արարատեան Մայր Աթոռ Ս. Էջմիածնում

Վաղարշապատ

թ. 693.